



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput III. Gregorius a Guidiscalo Duci Campaniæ.

[urn:nbn:de:hbz:466:1-74544](#)

ita ut in illis sola discussio Concilio Provinciali, seu Primitibus permitteretur, Pontifici sententiā reservatā, juxta textus in d. cap. accusatus, cap. discutere, cap. quamvis, cap. multi 3. q. 6. Nec contrarium probatur in hoc textu; nam ut recte notavit Felinus hūc, num. 2. notab. 1. Felix in hoc textu non docet causas criminales Episcoporum ad Primates esse deferendas, ut ab eis sententiā terminentur, sed ut de eis judicialiter cognoscat; & si causa levis est, quia Episcopus civiliter accusa-

tur, eam decidat; alias causā discussā Romani Pontificis sententia expectetur. Prosequitur latius Marcha in concordia Sacerdotii, & Imperii, lib. 3. cap. 16. cum sequent. Ubi disputat tam ex veteri, quam novo iure, Episcoporum causā à quo sint terminandae?

f Referrur.] Sequuntur in ipsa epistola alia verba, quæ extant in cap. si Episcopus 3. q. 2. cap. si agrotans 5. q. 3. cap. infamie 3. q. 7. cap. peregrina 3. q. 6. cap. absente 3. q. 9. cap. si accusatorum 3. q. 10.

CAPUT. III.

Gregorius^a Guidiscalco Duci Campaniae.

Illa^b præpositorum solicitudo utilis, illa est cautela laudabilis, in qua totum ratio agit, & furor sibi nihil vendicat. Restringenda ergo sub ratione potestas est, nec quidquam agendum prius, quam concitata ad tranquillitatem mens redeat. Nam commotionis tempore justum omne putat ira quod fecerit. Pervenit itaque ad nos, magnitudinem tuam usque ad hoc esse impetu furoris impulsam, ut non solùm frangi januas monasterii sancti Archangeli, verum etiam diripi exinde, quod ibi inventum est, feceris. Insuper autem sic contra Abbatem ejusdem monasterii diceris exarfisse, ut nisi occultans se, iracundia tua tempore latuisset, non leve discriimen incurrisset: denique ut metu tuo perterritus, de domo, in qua te olim receperat, exire nuncusque non audeat. Quod ne frustra fecisse forsitan videreris, fugam monachi ipsius, qui ad hostes c abiit, ad ejus, quantum ad nos perlatum est, crimen impingis, asserens quod cum ipsius voluntate fugerit. Quod si ita est, contristamur, & valde vestram sapientiam miramur. Nam si licitum putatis, ut aliorum culpa aliis sit nociva, multi huic possunt criminis subjacere. Diversorum enim nobilium servi, multarum Ecclesiarum clerici, diversorum monasteriorum monachi, multorum judicium homines s̄epe se hostibus tradiderunt. Ergo si hoc creditur, servorum utique Domini, clericorum Episcopi, monachorum Abbates, diversorum fugitorum judices, omnes sub culpa sunt & criminis constituti. Nunquid & diebus magnitudinis tuæ multi de civitate, in qua consistis, & ad^c Longobardos milites fugā non lapsi sunt? Et quis tantæ indiscretionis, tantæque possit stultitiae reperiri, ut eorum iniuriam tibi æstimet applicandam? Hæc itaque sollicitè pensa, atque ex te aliorum causas æstima, ut in quorundam adversitates falsis suspicionibus non ducaris. Siverò est aliquis, qui de prædicti monasterii Abbatे possit aliquid dicere, quod ad^c culpam, reatumque ejus pertineat, nos hoc non negligi, sed magis unā quidem cum eis, quorum interest, causam omnino districte & solite volumus perscrutari, ut aut feriat vindicta culpabilem, aut absolvat veritas innocentem. Si autem nullus inveniri potuerit, qui contra eum hoc, quod solus ipse perhibes, asserat: hortamur magnifice fili, ut à memorati monasterii, Abbatis que ipsius te adversitate contineas, & potius tuitionem illis, & propter Deum charitatem impendas. Et si quid est unde animi vestri fortassis offensi sunt, pro nostra eis interventione remitte: & ita vos, sicut Christianos convenient & prudentes, in eorum magis juvamine commodate: quatenus & nos vobis gratias referamus, & ante omnipotentem Dominum mercedem pro impensis servis ejus beneficiis, ac solatiis, acquiratis. Dat, mense Februarii, ind. iiij.

NOTÆ.

i. ^a Gregorius.] Ita etiam legitur in prima collectione, sub hoc titul. c. 5. & reperiuit textus hic in ipsis epistolis D. Gregorii lib. 8. indit. 3. epist. 12. ex quo regesto restitu integrum hujus textus. Campania ab urbe Romana usque ad Siler Lucanæ fluvium perducitur, in qua opulentissimæ urbes Capua, Neapolis, & Salernus constitutæ sunt: quæ idè Campania appellata est, propter uberrimam Capuae planitatem, ut reserunt Italæ scriptores. Guidascalus hūus proviacia Duci

rescribit Gregorius in praesenti.

^b Illa.] Verba quæ sequuntur usque ad verbum facies, extant in cap. illa ii. q. 3.

^c Abiit.] Forsan ut transfuga, ut hostibus fueret.

^d Longobardos.] Abbas in praesenti, num. 3. Felinus num. 2. Beroius num. 4. docent duo hæc differre in eo, quod per culpam inelligitur delictum ex negligencia proveniens; per reatum vero peccatum ex malitia, seu dolo procedens: quo sensu culpa in specie, & dolus differunt, & ut diversa propounderunt in l. contractus, ff. de R. I. d. de atate, §. qui in foib. Sine dolo male, culpā tamen, ff. de interrogat. Reatus

Reatus est plerunque accipiatur pro delicto, cap. præsenti per culpam accipi generaliter peccatum adhuc manens, seu perseverans, de cuius pœnitentia non constat; per reatum vero pœna, seu obligatio ad pœnam ex peccato & culpa proveniens: quæ pœna, seu obligatio per pœnitentiam, seu emendationem non editur, præfertim quoad vindictam in foro exteriori, l. qui ea mente, ff. de furtis.

Varia ex hoc textu deducunt repente de accusatione contra superiorum ab inferiore propounder, vel non; & de personis, quibus præsentibus judicium criminale agitandum est. Sed quam aliena à mente Gregorii, facilè agnosceret, qui præsentem epistolam sedulò legerit, perlegeritque.

C A P U T I V .

Gregorius a Constantina Auguſta.

OMnipotens. Et infra: ^b Salonianæ vero civitatis Episcopus me, ac responsali meo nesciente ^c ordinatus est, & facta res est, quæ sub nullis anterioribus Principibus evenit. Quod ego audiens, ad eundem prævaricatorem, qui inordinate ordinatus est, protinus misi, ut omnino Missarum solennia celebrare nullo modo præsumeret, nisi prius à Serenissimus Dominis cognoscere, si hoc fieri ipsi jussissent, quod ei sub excommunicationis interpositione mandavi. Et contemptome, atque despecto, in audaciam quorundam sæcularium hominum, quibus denudata suâ Ecclesiâ præmia multa præbere dicunt, nuncusque Missas facere præsumit, atque ad me venire secundum iussionem Dominorum noluit. Ego autem præceptioni pietatis eorum obediens, eidem Maximo, qui me nesciente ordinatus est, hoc quod in ordinatione sua me, vel responsalem meum prætermittere præsumpsit, ita ex corde laxavi, ac si me auctore fuissem ordinatus. Alia vero perversa illius, scilicet mala corporalia, quæ cognovi, vel quia cum pecuniis ^d est electus, vel quia excommunicatus Missas facere præsumpsit, propter Deum irrequisita præterire non possum. Sed opto, & Dominum deprecor, quatenus nihil in eo de his que dicta sunt, valeat inveniri, & sine periculo animæ meæ causa ipsius terminetur. Prius tamen quam hæc cognoscantur, Serenissimus Dominus discurrente iussione præcepit, ut eum venientem cum honore suscipiam. Et valde grave est, ut vir, de quo tanta, & talia nunciantur, cum antè requiri & discuti debeat, honoretur. Et si Episcoporum cause mihi commissorum apud piissimos Dominos aliorum patrocinis disponuntur, infelix ego in Ecclesia ista quid facio? Sed ut Episcopi meime despiciant, & contra me refugium ad sæculares judices habeant, omnipotenti Deo gratias ago, peccatis meis deputo. Hoc tamen breviter fuggero, quia aliquantulum expecto: & si ad me diu venire distulerit, in eo exercere distinctionem canonica nullo modo cessabo. In omnipotenti autem Domino confido, quia longam piissimis Dominis vitam tribuet, & nobis sub manu vestra, non secundum peccata nostra, sed secundum gratiæ suæ dona disponet. Hæc ergo tranquillissimæ Dominae suggero: quia integerrima Serenitatis ejus conscientia quanto moveatur zelo restitudinis, atque justitiae, non ignoro.

N O T A E .

^a **C**onstantina.] Ita etiam legitur in prima collectione, sub hoc titul. cap. 6. & lib. 4. epistolar. D. Gregorii epist. 34. & in cap. Salonianæ, 63. diff. cap. ult. 21. quest. 5. in quibus omnibus pro Constantina, legendum est Constantia: Constantia enim iuxor fuit Mauricii Imperatoris: cui etiam rescribit idem Gregorius lib. 3 epist. 30. & 23. In priori parte hujus epistole agit Pontifex de superba elatione Joannis Archiepiscopi CP. qui a sus fuit tempore Pelagii prædecessoris nostri Gre-

gorii in Synodo CP. ad causam Gregorii Episcopi Antiocheni celebrata nomen Patriarchæ Occidentis sibi arrogare; quod cum Pelagius sciret, cuncta Synodi gesta præter sententiam pro Gregorio latam irritavit, ut ex ipsis Pelagi epistola referat Baronius anno 587. Sed cum postea anno 6. Pontificatus Gregorii Magni eo arrogantiis, & insolentiis prosecutus esset, ut in litteris Romanis missis se Oecumenicum Patriarcham nominaret, ideo Pontifex, qui Joannem aberrantem summam patientiam toleraverat, anno Christi 595. illum litteris suis corripuit lib. 4 epist. 38. Sabinianumque Apocristarum Constantinopoli agentem admonuit,

ne